

159. sjednica Vlade Federacije BiH

Mostar, 14.12.2010.

Saopćenje o radu

NORMALIZOVATI ŽELJEZNIČKI SAOBRAĆAJ

Nakon što je razmotrila Informaciju o stanju u JP Željeznice FBiH d.o.o. Sarajevo, Federalna vlada konstatovala je da su obustavom rada mašinovođa nastale vanredne okolnosti.

Usvojenim zaključcima, Vlada poziva sindikate u JP ŽFBiH da svojim djelovanjem doprinesu otklanjanju nezakonite obustave rada i da u svim slučajevima, uključujući i eventualni štrajk, djeluju u skladu sa zakonom.

S obzirom da, prema Zakonu o željeznicama FBiH, Vlada FBiH u vanrednim okolnostima organima preduzeća daje obavezne instrukcije, danas je zadužen Nadzorni odbor da naloži Upravi Željeznica FBiH da, u skladu sa Zakonom, Statutom preduzeća i drugim propisima i aktima, preduzme mjere na otklanjanju obustave, uspostavi i normalizuje željeznički saobraćaj.

Istovremeno, Uprava Željeznica FBiH treba da pripremi i provede mjere nužne za održavanje procesa rada i sigurnosti željezničkog saobraćaja, radi ostvarivanja zakonske djelatnosti ovog sistema i izvršavanja ugovorenih obaveza prema komitentima, a u slučaju štrajka obezbijedi zakonski minimum procesa rada, uključujući prijevoz tereta za strateške partnere i elektroenergetski sistem, te zaštitu sredstava, objekata i imovine FBiH.

Nadzorni odbor i Uprava Željeznica FBiH dobili su saglasnost Vlade da za slučaj nastavljanja vanrednih okolnosti i ozbiljnijih poremećaja u poslovanju, preduzmu i druge zakonom predviđene mjere.



SEKTOR ZA RAD I ZAPOSŁJAVANJE

ARHIVA

Broj: 07-34-1638/01
Sarajevo, 06.11-2001.

**SINDIKAT MAŠINOVOĐA – STROJOVOĐA
U FEDERACIJI BOSNE I HERCEGOVINE
SARAJEVO**

Veza: Vaš akt broj 49/01

Na osnivanje, poslovanje, upravljanje i prestanak rada preduzeća u Federaciji Bosne i Hercegovine, primjenjuju se odredbe Zakona o privrednim društvima ("Službene novine F BiH", broj 23/99), a za javna preduzeća, pored ovog opšteg propisa i odredbe posebnih federalnih propisa, kao što je u vašoj djelatnosti Zakon o željeznicama F BiH ("Službene novine F BiH", broj 41/01).


Radni odnosi u privrednim društvima i javnim preduzećima uređuju se Zakonom o radu ("Službene novine F BiH", br. 43/99 i 32/00) i kolektivnim ugovorima koji ne predviđaju institut radne obaveze koji se koristio za vrijeme ratnog stanja i neposredne ratne opasnosti po propisima koji su 1998. godine prestali da se primjenjuju.

Zakonom o radu, kolektivnim ugovorom i pravilnikom o radu utvrđuje se radno vrijeme zaposlenika, te po našem mišljenju, uvođenje "radne obaveze" nije u skladu sa važećim propisima.

S poštovanjem,

POMOĆNIK MINISTRA

Džana Kadribegović



Džana Kadribegović

OGLASNA TABLA

Džanić Božić

